



南宋羣賢詩選卷三

江都 陸鍾輝淳川 甄錄

何應龍 十三首

應龍字子翔錢塘人嘉泰間進士知漢州橘潭稿

春寒

博山熏盡鷓鴣斑羅帶同心不忍看莫近闌干聽花雨  
樓高無處着春寒

客懷

客懷處處不宜秋秋到梧桐動客愁想得故人無字到

雁聲遠過夕陽樓

寄胡雪江

借得官亭小似船六橋風月友三賢芙蓉未發荷花老  
一點詩情若箇邊

過垂虹

垂虹橋下水連天一帶青山落照邊三十六陂烟浦冷  
鷺鷥飛上釣魚船

夏日卽事

野土生烟草樹焦彤彤日脚火雲燒池邊自拗青荷葉

分付山童葢藥苗

題駱秀才葺故廬疏

家在西湖合澗橋短籬圍得數椽茅歸來頗費支撐力  
羞見春風燕子巢

有別

樓上佳人唱渭城樓前楊柳識離情一聲未是難聽處  
最是難聽第四聲

有所思

曾倚空屏唱柳枝一聲嬌逐暮雲低重來只見流鶯在

立盡斜陽不肯啼

江上有感

江上秋深客未歸  
荻花楓葉兩依依  
傷心最是長橋路  
落日西風一雁飛

題臨安儂樓

過了燒燈望燕歸  
春寒剗地勒芳期  
杏花深巷無人賣  
細雨空簾盡日垂

杜鵑

君若思歸可便歸  
故鄉祇在錦江西  
不知何事留君住

却向空山日夜啼

芍藥

金蘂絲頭茜染成  
五雲樓映玉盤傾  
謝郎一入中書後  
二十四橋空月明

傷春

荷葉初浮水上錢  
柳花飄盡岸頭綿  
不知春色歸何處  
欲向空山問杜鵑

毛珣三十首

珣字元白柯山人吾竹小稿

李荷澤曰柯山毛元白詩人之秀者也吟

稿清深雅正跡前事而寫芳襟深有千  
運獨挺一世之作奚止嘲風弄月已哉

小至

九地陽初動披衣起擁鑪門前初去馬窓外漸啼烏雲  
色呈金未梅梢破玉無焚香待天曉點易自研朱

廬山棲賢寺

名重于諸刹前賢舊隱踪無人知有路隔樹忽聞鐘瀑  
壯山疑裂雲深寺若封或傳遺藁在三叩昔時松

登黃岡清淮門

風吹蘆葉江頭路江水江天共秋暮邊淮寒早客行稀

只有征鴻向南去征鴻自去書不來遠衣未寄憑誰催  
孤城慘咽暮笳起城下荒榛接淮水

墨龍

真人尸居雷八荒斷磚殘墨生蒼茫鯢桓下際九淵黑  
神光倒射角與亢平聲明明元氣淋漓蹟水底焚槐海波  
赤周流萬化元無極姑使人心識天則

湘江

湘江誰道無情水寶瑟聲寒愁帝子安知日月在中天  
萬古重瞳元不死楚南楚北千里雲持香遙禮雲中君

南宋詩選 卷三  
莫起悲風助騷怨蘭枯菊瘁不堪聞

浙江

白鷗舊事隨波去太極陰陽自吞吐長虹夜貫黑頭船  
四紀沙迎相公路馮夷作劇真等閑五都有客雄其間  
上林三官浪憂國千年海底生銅山

檜瀑

媧皇失補天南角一道銀河落君屋又疑元氣自周流  
不然瀉盡誰能續瀑邊老檜尤可人髯疎骨瘦皮鱗皴  
崩崖欲壓全不懼夜半潛蛟暗來去

虎邱

阿鴻血染吳苔碧氣徹重泉埋不得千年至寶復歸天  
顛倒海中飛霹靂至今荒怪列虞初罅石千尋駭遊客  
寺邊別廟是何神月黑伽藍問周易

丹陽館

渡江第一南來驛幾度華堂延雁客百年運逐曉雲空  
愁殺鞮官老無職南徐今日古陽關不斷歌聲祖離席  
國朝已復事尤多折損年年春柳碧

秋日卽事

南宋詩選 卷三 五  
黃花曝日香欲醉黃蜂抱香暖欲睡老夫邂逅亦欣然  
一段先天畫前意喧喧歸雀聒叢篁夕風欲轉明朝霜  
花搖蜂醒我亦覺斜陽一片秋茫茫

寓興國之十詠亭呈諸友

斷垣荒棘疑無路忽有幽亭一畝餘不稱郡侯來把酒  
偏宜野客借觀書臨堦汲水防苔滑隔岸看山愛柳疎  
非有舊交時下顧十分風味落樵漁

寓泉之安溪

已恨逢人語不通更堪烟嶺隔千重山城縱是如花好

海霧終愁似墨濃遠信斷無鴻可寄故鄉惟有月相逢  
閒于荔綠蕉紅處步屨時留到晚鐘

雪

無雨無雲曉色乾忽驚瑰壁滿簷端不教聲到窓前覺  
應恐愁添屋下寒占瑞農官尋玉尺析醒公子索金盤  
柴門睡起無多事捲上疎簾帶竹看

鳳凰臺

江山依舊昔人非多少興亡問不知雁去又逢重到日  
鳳歸安得再來時風吹木葉隨漁艇霜壓蘆花出酒旗

特地待吟吟未穩數聲昏笛戍樓吹

山月

山月共徘徊山泉酌一杯詩成無筆寫畫石記蒼苔

書墨竹

伯夷有夙世契子猷結千古交烟外三葉五葉雨中一  
梢兩梢

觀星

九天有象不虛呈歷歷都關國重輕漢客可無經濟意  
只將牛女問君平

海陵之堡城

邊聲籍籍早秋風稻未黃時棗又紅莫厭水鄉遷避苦  
全家載入綠荷中

儀徵

頻年歲穩少干戈到處人能販五河只道齧舟偏輻輳  
玉盃淫段近年多

多旨樓邊古柳斜龍淵寺裏隔荷花清風盡日無人管  
半屬僧家半妓家

販來北棗堪充膳種得西瓜可析醒總是中原舊風物



南宋詩選 卷三  
不堪今日是邊城

山中吟

山中夜讀書山鬼來相試隔窓問疑難頗及堯舜事予  
非卯金人安能動星緯劃然一推窓餘音入空翠  
槲葉可以衣松實可療饑騎鹿下山去擬說高人知高  
人不可得紛紛却語誰曉窓白雲過且自相同歸

送田耕月遊吳

衣笈詩囊外身輕費亦輕不妨船眼窄時上岸頭行橘  
里逢霜信松江問水城吳中間歲稔新糴想須平

吳門田家十詠 選三

到處車聲轉水勞東鄉人事獨逍遙一堤灩灩原非雨  
總是吳江淡水潮  
主家租入有常規十月開倉不許違占得頭籌先衆了  
繞身紅綵送將歸  
西鄉本是最高鄉今歲收成亦倍常瓦鼓綵亭連日鬧  
誰家不謝白龍王

陳藏一山房

一室焚香卽太初萬人如海儘從渠第于心上曾無着

何必山中始去聲可居垂箔護花嫌引蝶連筒汲井怕生魚草元政不妨人事問字敲門未可疎

滄浪亭

濯纓人去水空寒事屬明時欲問難日暮客歸園館閉鷺鷥飛上石棋盤子美故物惟石枰存

石湖

一片湖光接薜蘿功名餘事屬吟多至今魚鳥皆堪敬曾見烏巾照碧波

鄧林 三十三首

林字性之自號四清社友臨江人彛叔之子皇夸

曲 蕭大山曰詩世業乃精有彛叔即有性之彛叔詩工如柳烟鶯曉障杏露蝶春糧如桃葉渡江狂子敬梨花帶雨澹真妃皆奇性之蓋出此有夷仲即有彛叔仲叔季父也東山楊伯子題仲集云半山絕句人以王二十八稱夷仲七言請以鄧五十六稱彛叔又出此夷仲騷彛叔豪性之固應高也 蕭小山曰古如洞庭樂其思幽律如嶰谷簫其和宣絕如喬木嚶其音活 居易錄云其樂府諸作為南渡以來之錚錚矯矯者

效晉樂志拂舞歌淮南王二篇

東昏侯自言安仙華玉壽浮雲端繡窓錦幔飄飛仙丹青美女侍七賢侍七賢奏笙歌笙歌逸響哀怨多苑中

南宋詩選 卷三 九  
花未費綺羅我欲踰城城有圍願作雙黃鶴棲瑤池棲  
瑤池辟塵垢至尊屠肉潘妃酤酒石頭江上龍駒走三  
月春風吊楊柳

唐明皇自言榮金輿翠輦游華清廣寒宮殿凝水晶霓  
裳羽衣沉香亭沉香亭泥流霞流霞激灑隊五家誰知  
野鹿啣宮花我欲渡關關有兵願作雙丹鳳蜚瑤京蜚  
瑤京隱烟霧錦鏞酥酪香囊塵土劍閣縈紉家何許梧  
桐葉葉鳴秋雨

劉阮

鹿車小宇宙據鞍常醉眠風塵瀕洞時杯裏全其天伶  
達故自佳藉放乃無用試看勸進表何似酒德頌

東山彭澤

乞靈風鶴屐折齒壁後寘人汗如洗樵漁雜沓坐林間  
蜉蝣塵埃不可攀石頭擾擾柴桑間

任彥升

鈴懸四角五彩旗分明天產真英奇阿堆文章妙一時  
士林往往推元龜楊梅蜜領仁且慈桃米麥飯清堪師  
何愁不得中書爲半生紆意梅蟲兒

陶通明

眉疎目朗姿圓通詩書萬卷羅心胸華陽三茅仙洞中  
鳳笙隱隱和松風薪林圖識呈梁公朱砂曾青霜雪容  
服之身體飄輕鴻積金澗泉東復東山中宰相那無功  
昭陽竟作單于宮

綠珠詞

涼臺瀟灑臨清波幄翠簾珠明綺羅哀絲豪竹按清歌  
紅潮素臉春風和主君歡娛美人醉報有無情使車至  
幾鼓蘭麝俱委塵獨指綠珠可當意衆中偏是承恩深

妾身雖賤無二心君前判命效一死玉笛收身紅日沉  
輕裾飄向闌干角花鈿散地金釵落到頭不負齊奴約  
猶勝識字空投閣

玉兒

金蓮華上俞尼子永壽神仙羅繡綺苑中荊荻市令嚴  
玉像支離瓦官寺六宮鴨刷起淫風太白便應縣妲已  
此身肯許兜鍪夫猛爲東昏判一死到今羞殺賣降人  
去作練兒梁姓臣

次韻陳鈞甫郊行

黃塵敗素意出門慙郊行野菊含冷燄巖松起寒聲高  
山唐業崇流水晉時清拾薪歸底用石鼎待彌明

關山月集句

關山夜月明王褒分彩照吳兵江將軍擁節起古樂府長戍

受降城江焚烽望別壘陸瓊欲驗盈虛理張正塞笳將夜

鵠阮卓戰氣今如此徐重關掩暮烟賀力雲陣上祁連徐陵

思婦高樓上徐遙心萬里縣賀力拔

題劉功父與畊堂

默耕原不外靈臺何用錢添百屋堆甘雨每從和氣出

祥風常自善心來畛畦有礙皆除去境界須寬更放開  
種德欲如多黍稌本仁先且護根荄太平國裏青精飯  
永熟鄉中玉液杯會得遺安龐老意力行好事厚栽培

書懷

西風吹羽扇吾道竟淒涼上坂勞騏驎低巢窘鳳凰可  
求非富貴無用是文章冉冉深林底幽蘭正自香

真陽峽

滿眼皆吟料歸囊未盡空江波連岸碧野火張天紅高  
樹留寒日長蘆轉晚風客心雖小艇心已故山中

曲江歸舟

只道篷低礙覓詩眼前物色自多奇  
千山緒去如秦樣一水清來似晉時  
漁父豈無緣葦輩樵人恐有負苓師  
僮奴忽報梅花動春在江頭最北枝

江湖偉觀

世間無盡是天游更出湖山最上頭  
江面春聲潮捲雪湖心寒影月澄秋  
海門舟楫雲開見瀛嶼亭臺水載浮  
不比錢塘歌舞處遠懷西北有神州

蘭

野客過門叫賣蘭清風便自逼人寒  
孤根未必靈均種推作離騷輩行看

聞鷄

不因風雨不分明羞殺譙樓打亂更  
世上公侯多改節無人肯聽丑前鳴

晉武帝

秋風銅爵曲池平吳王宮娃滿掖庭  
憑仗皇孫聰慧早不知禍在夕陽亭

左太冲

辛勤十稔賦三都聞者曾貽酒瓮書  
它日洛中添紙價陸家兄弟竟何如

朱彥和

文如玉海動時流曾以書棋伏隱侯  
武德閣前消幾語却令梁氏缺金甌

任蠻奴

千里旌旗已渡江蠻奴苦諫喚蕭郎  
却持官裏黃金去望拜韓擒石子岡

敬微

受用廬山水石奇亭亭霞外薜蘿衣  
侍中那抵蘇門幃笑死丹青陸探微

鄧郁

雲母餽糧五嶽樓繡娃少嫗導仙遊  
不應輕信霍青鳥便遣東都事業休

石崇

梓澤神仙第一居爭豪不惜碎珊瑚  
荊州使客知何罪未必亡身爲綠珠

張茂先

辨精龍肉亦奇才雄匣干將耿不回只守鷓鴣蚊睫賦  
天星未必折中台

王夷甫

玉塵消搖吐妙言清流都指作龍門白頭苟活尊□□  
夜半排墻未是冤

張曲江祠

延英幾度獻忠言白羽他時賦感恩自是三郎真贗錯  
却將天寶換開元

送衡山琴畫張道士二首

滿天風月澹消騷三尺孤桐古調高不敢問君聽別操  
請彈二十五離騷

滿空烟雨澹模糊三尺霜縑老墨枯不敢問君求別景  
請描七十二峯圖

利州進馬

靈關玉壘自崔嵬誰向西邊起禍胎萬里望堯通一祝  
天基御馬利州來

過綠野

世上今無隱退風地名偶與午橋同往來怕看銅駝陌



閒倚柴門憶晉公

望和靖墓

孤山擎出水中央  
留下梅花代代香  
滿酌湖波遙一酌  
問咸平事已荒涼

九里松

松是山靈一手栽  
堯天長就棟梁材  
龍髯怒起春風急  
似怪遊人喝道來

許

棐

十八首

棐字忱父自號梅屋壺山人有梅屋稿

夜泊長河

黃帽貪程夜泊遲  
市樓燈火歇多時  
滿懷風月無分付  
却借漁翁短笛吹

訪潘叔明

一室寬于養鶴籠  
荻簾疎透雪花風  
怪來几案無寒色  
春在題詩卷子中

醉起

午醉醺醺到日晡  
起呼茶盃炷燠爐  
隔窓幾點敲花雨  
仔細聽時却又無

元夕後懷河上作

自從樓閣罷燒燈未有今朝一日晴暖拆葑邊冰翼破  
寒留山頂雪痕輕嬌驄已印尋芳跡小妓新翻鬻唱聲  
每箇旗亭商一醉也應排日到清明

鄭介道見訪

步頭楊柳種多年今日方維勝客船掃石共看山色坐  
枕書同聽雨聲眠溪羹旋煮蓴絲滑野飯新炊芡玉圓  
不管歸心忙似箭強留吟過菊花天

贈龔彥質

慈湖分與半窓燈照得襟懷徹底明蒲座夜閑猫占卧  
笋輿春暖鶴隨行爐香欲盡經猶誦研墨才濃句已成  
歲晚弟兄俱白首一樓風雨話深更

趙叔魯

天上除書駱驛飛謫仙何事得來遲旅懷寬似居家日  
學力高于未第時山帶晴霏橫畫軸水流清響入琴絲  
世間多少王孫貴無我寒泉一句詩

木山父書院

占得文房一丈強地幽雖夏亦清涼瓶花誤倒水侵案

南宋詩選 卷三 七  
書葉亂掀風滿床  
薜長密藤遮半壁  
桐分疎影出低墻  
客來莫道無祇待  
只啜茶甌却味長

書郭子度壁

禁苑精廬是切鄰  
衣巾雖舊不沾塵  
鐘魚聲裏吟連曉  
花柳香中醉過春  
和土重泥燒藥竈  
買絲新接釣魚綸  
遶湖十萬人家住  
如此清閒有幾人

雁字

點畫分明印碧空  
迴鸞返鵲勢差同  
月邊映得銀鈎體  
雪裏摹成玉箸工  
斷續似經秦火後  
悲涼如在楚詞中

愁人筆硯俱荒廢  
倩寫相思寄便風

贈陳宗之

六月長安熱似焚  
鄜中清趣總輸君  
買書人散桐陰晚  
卧看風行水上紋

秋齋卽事

桂香吹過中秋了  
菊傍重陽未肯開  
幾日銅瓶無可浸  
賺他饑蝶入窓來

戲題花

一片落花題一字  
湊成一句怨春詩  
縱橫貼在窓紗上

南宋詩選 卷三  
巧似迴文織錦時

真珠園

芭蕉葉上題詩字  
雨後來看半不全  
餘濕未勝濃墨補  
且携卮酒到花前

數椽

數椽茅屋傍林塘  
幽似山僧獨住房  
夜靜只憑猿守宅  
晝閒時有鶴升堂  
旋收落葉供茶爨  
細搗枯花作印香  
畫冊滿床書滿橐  
別無生計亦無妨

西真圖

翠水池邊晏早秋  
雲謠聲裏月西流  
醉歸不信乘鸞穩  
却擘蓮花作采舟

趙宰瓊花園

祠下靈根無別種  
凡花誰敢鬪榮枯  
被君分種鵝溪上  
從此人間有兩株

蝴蝶飛

蝴蝶飛 蝴蝶飛  
紅邊迷了紫邊迷  
粉老香乾何處歸  
不學蜜蜂做家計  
勤苦之中有甘味

胡仲參 十三首

仲參字希道清源人竹莊小稿

偶得

欲問梅花信山寒去未能靜思天外句坐對夜深燈戒  
酒頻添衲煎茶旋鑿冰月殘霜又落無復叩門僧

道中早發

未曉催行色微吟獨據鞍露垂星影濕月淡水光寒犬  
吠知邨近鷄鳴覺夜殘親闈在何許誰念客衣單

秋晚汎湖

載酒湖邊買小舟水光山色解人愁短籬寂寂菊花晚

兩岸蕭蕭楊柳秋落日波間收戲鼓暮烟林外出歌樓  
倚闌長嘯西風裏驚起前汀雙白鷗

試後書懷

踏遍天涯路春三秋又三文章與時背言語對人慚湖  
海氣何餒山林分未甘閑僧時過我揮麈共元談

雪晴泛湖

雪後湖清淺令人心眼開林疎知寺近冰合礙舟回寒  
色欺吟髻斜陽入酒杯山行已清絕况復是尋梅

春晚見山茶一枝獨開

南宋詩選 卷三  
茶蘼開盡見山茶血色嬌春帶雨斜莫是今年逢閏月  
東風吹到背時花

東竹院孚老

別來旬日許又過一分春因感塵中事空慚物外人吟  
清便境靜語苦見情真近况知何似篇詩得細論

清明

杯酒濃澆壠上春東風吹起紙灰塵可堪腸斷中原路  
草掩荒邱不見人

寄黃雲心

竹屋少行跡閉門春晝長天時半晴濕人意共炎涼苔  
蘚侵階綠茶蘼壓架香冥搜尋杖屨不爲看花忙

閨中詞

寫就相思字燈前帶泪看欲緘還未忍少待泪痕乾

早發

早發六七里前途曙未分漁舟依岸立水碓隔溪聞獨  
樹支殘月空山半白雲清晨那可駐日出又如焚

性之尋梅歸來有詩因感一絕

處士廬前門逕深僅留佳句與人吟孤山近日無行路

疎影暗香何處尋

寒夜作

生計尚茫茫微吟思故鄉  
羈愁消不盡寒夜未為長  
門掩梅花月禽翻竹葉霜  
挑燈裁錦字明發有歸航

南宋羣賢詩選卷三

南宋羣賢詩選卷四

江都 陸鍾輝 淳川


甄錄

陳鑒之 二十八首

鑒之字剛父元名璟三山人東齋小稿

送鄭巖州四首

諸賢適江海梧竹孤鳳吟  
願言正王度祈招嗣清音  
亦為膠西董以慰及物心  
未可賦栢舟天眷宗社深  
父老迎使君舟楫桐江波  
那知使君心一片烟雨蓑  
杖藜對客星清風雙嗟峨  
沙鷗如故人應為小婆娑



南宋詩選 卷四  
嚴山少平田嚴俗稀惰民書生坐黃堂肯詫劂刃新定  
以清淨化坐嘯物自春綠野人荷鉏使君聊岸巾  
善端誰獨無所化有蘭鮑時容拜床下孺子似可教山  
川頓修阻心折東去棹徘徊柳春帆腹風欲飽

遣興

踏遍茗谿石梅花又滿林山川春入望宇宙月知心一  
紀別鄉井八年無鴈音危巢老松頂日暮有歸禽

會稽秋日觀山

荒塍間流水蠹葉風颼颼前山與幽人亭亭共清秋遠

近日明晦隱見雲去留木末一叟歸犬鳴茅舍幽憶昔  
典午東劍佩森名流勝地慰遠懷茲焉久綢繆漁磯與  
樵逕今有斯人不池石老苔髮空餘羸蚌遊世有古今  
異郢歌聊自酬醉眼時摩挲此山卽前修

過吳江

垂虹四年別森森來夢境今晨整芒屨柳風吹髻影春  
光徹重淵蛟困綠波靜遠帆有無處小立爲徐領浩歌  
翁自得白髮亂垂頸一室世誰如三萬六千頃平生卜  
鄰意此際味差永翁兮肯平分吾其辦漁艇



晚登京口倅廳富覽二首

窮途逢偉觀小閣江萬里薄暮岸幅巾寒烟四山起天  
河注平淮斗柄卧蘆葦欲返還少留燈青客船尾  
孫劉昔虎視鉄騎如風雷白水列蒼嶂今焉侑予杯功  
名詫一時空雲暫崔嵬衲子真英雄一龕老巖隈

古詩四首奉寄陳宗之兼簡敖臞翁

鷗雄烏一色烈焰玉石分子桑十日雨英槩君摩雲塵  
尾失羈思襟裾蘭茝芬是豈如蟹驢書圃同鉏耔  
君隱萬人海嘯詠足勝流我堕寂寞濱嶽巖一筇秋蟠

鬱向誰吐天圍蘆荻洲劈箭客帆去何日回吾舟  
甘旨娛母顏雍雍春滿室咿啞索梨棗諸兒爭遶膝波  
明再茁桐露滌清吟筆人生如此足富貴刀頭蜜  
亭亭會山閣四面秋澄鮮槃礴一代英披衣俯飛鳶邇  
來幾星聚清尊壓雲烟九轉得竒訣分惠毋獨仙

京口江閣和友人韻

良辰仍我輩斗酒大江邊小閣納萬里一帆來九天世  
塵黃鵠外詩興白鷗前地勝吾衰矣常懷李謫仙

題鄭承事所作蕙蘭三首

蘭如君子蕙如士此評吾得之涪翁有餘不足姑勿論  
畢竟清幽氣類同

托迹不辭巖谷深異於蕭艾亦何心清風披拂自多事  
斜日淡雲香滿林

鄭君欲與蘭寫真心神暗與蘭俱春詩家三昧正如此  
境融意會今何人

有感

淋雨何人記子桑朱門車馬漲塵黃百年友誼須英槩  
畫虎何妨效季良

同劉叔泰放步湖邊入靈芝寺坐依光良久叔  
泰誦坡仙好把西湖比西子之句予因賦古風  
一首

劉郎喚我出勝處意所便清寒柳桃風濃淡杉檜烟僧  
廬自生香步遶古佛前依光偶不局坐數禽聯翩平林  
度清磬遙隄簇歸船湖山露真態鷗點溶溶天形容幾  
吟筆剛道妝抹妍莫作西子看正如姑射仙相知喜值  
予微笑生清漣

探梅

南齊詩選 卷四  
驢蹇颯寒獵帽衰吟肩山聳酒微醺彎彎竹逕霏霏雪  
小小溪橋淡淡雲忽邂逅時真得侶向空濛處細飄芬  
回天力量知誰似笑挽春來首策勲  
王阮亭曰三四寫神可與林逋佳句

並傳  
再到京口

問訊金焦無恙否雙鰲依舊據寒流  
埕邊浪戰嵌巖石木末雲扶縹緲樓  
楓葉蓼花新醉雨山容客髻兩添秋  
海天一鏡舟如豆忘却塵緇季子裘

同潘孔時飲惣宜園孔時出寶晉數帖呼道人

吹簫次日有詩予用韻答之

六橋秋新宜醉吟舉杯共聽巖鶴音  
危亭三面立老竹寶晉數帖清人心  
涼蟬不敢喧夕曛洞簫聲繞山腰雲  
搖搖歸艇水紋裂山紫天青河漢白  
想君獨立對空濶一鷺毛寒藕花月

寄題長溪楊恥齋梅樓樓乃其先世讀書之所

乃翁愛書書滿樓萬軸插架堪汗牛  
乃翁愛梅梅遶樓千年老幹如蒼蚪  
梅護羣書俗塵絕書對梅梢滋味別  
有時掩卷靜倚闌簷角一枝擎淡月  
雁行編簡相從久

筆研收功竟無負後登進士兒孫登樓凜生敬謂此梅  
第弟右科花乃先友一新丹蘄煥枿拱黃卷依然對姬孔汲泉不  
是灌梅花培養君家讀書種袍香青紫雲路同盛事何  
翅繼乃翁後來應有跨竈者百花頭上文正公吾知乃  
翁好梅意不獨區區為名第霜飆天地慘無色誰得東  
皇第一義惟梅氣稟獨超卓首送春風入書幄對之心  
地悟理學此是天民尹先覺

題問政山

于方外兄德誨為新安太守於郡之東山築

屋以居方外號為問政山房

憑軾邦君侈画熊却來問政翠厓翁祇應兄念元真子  
不是堂無齊蓋公千載棣華垂盛事兩叢慈竹亦清風  
跨鸞時過宣平老明月簫聲在半空

守齋示予遊問政山和陳廣文詩予用韻呈守  
齋

小隊名山訪古歸雪雲不解聽招麾瓊瑤千嶂插空濶  
珠璧一詩爭崛竒興逸聊茲遊赤石民安何待化潢池  
妓圍如画心如水鬢髮從渠映玉碑自註玉碑見盧仝集

同倪元公善之納涼壽芳

沿堦草軟翠流長  
境靜蒲荷覺更香  
清坐小亭叢竹近  
暫停團扇受風涼

陪守齋至玉湖書院作

天垂大溪碧近樹齊遠  
山水氣涵野色縹緲亭數間  
憶昔文節公孤標凜群姦  
飄然兩屐齒雲巖遍躋攀  
此地足佳致差不遠市闌  
壽峯文節次子顧而喜築屋娛親顏  
吳興富臺榭往往携歌鬟  
公獨抱書來小舟破潺湲  
花淡水紋麗鳥啼人意閑  
讀易發妙蘊不惟評馬班  
公有易訓馬班

異辭著述五百卷星芒照人寰  
天街幾綉鞍蹀躞趨豹關  
何來砥柱立一老菰蒲灣  
守齋文節第四子今右曹郎中領客遊秋  
風韻枯管我誦壁間文  
徙倚蘚石班德人不可見  
月白漁舟還

題村學圖

田父龍鍾雪色髯  
送兒來學尙腰鎌  
先生莫厭村醪薄  
醴酒雖醲有楚鉗

施樞三十七首

樞字知言浮玉人  
嘉熙間嘗爲泐漕幕  
官有芸隱

南宋詩選 卷四  
橫舟稿芸隱勸遊稿勸遊自序予下壬辰第始學  
詩甲午往來錦溪或自家山趨京城每多感賦至  
市橋見月之句若有悟解乙未秋入吳攝庾臺幕  
丙戌秋復過越訪東畝先生吟又少暇日搜故篋  
僅若干篇題曰勸遊稿

解宇傍河髣髴家居

合是清溪近處居在官却與在家如柳風拂岸時鳴櫓  
梅月橫窓夜讀書休問舟閑無喚渡須知水到自成渠  
俸錢已足供薪粒比着簞瓢儘有餘

月夜憶梅花

夜深寒月照窓紗忽憶林逋處士家鷗鷺正眠烟樹冷  
不知誰可伴梅花

雨後道間見紅梅

玄都境界玉堂身輕裊湘裙步曉陰昨夜雨肥添酒暈  
紅情染得十分深

再雪

投曉又飜飛春風亦被欺須知寒徹夜勝似臘殘時艷  
粉同梅落輕花替柳吹渾然成片玉凍合在前池

聞寺中曉鼓

靈鼉一鼓振潮音  
征夢迢遙枕畔聞  
語斷頻伽天正曉  
松風吹散滿山雲

送黃溱遊金陵

六朝多舊事誰與問  
江山我亦身重到  
材踈語竟慳燕  
歸秋巷靜鷺去晚洲閑  
健筆無輕賦前賢轍可攀

破榴

絳殼盈盈萬顆珠  
潤於瑪瑙浸冰壺  
吟心先自清如水  
嚼了寒霜骨更臞

大能仁寺

山門八百餘年  
戊戌秋震於風雨

規模應甲剎殿閣擁金仙  
歲歉炊烟絕城低野色連  
客僧皆散去主者獨安眠  
成毀難逃數山門八百年

曉寒

曲曲屏山憶夢中  
峭寒成陣入簾櫳  
宿香銷盡金猊冷  
一樹梅花怯曉風

晚思

客思悠悠幸自安  
亦因吟事可相寬  
小窓過了廉纖雨  
細與東風說晚寒

雪坡以雨阻山行有詩因以次韻

爲欲看山助眼明  
頻占鵲喜報新晴  
春光已過三之一  
塵世難逢四者并  
詩酒深情殊未適  
肴蔬薄具亦頻更  
終來不似西湖好  
晴雨皆堪傍柳行

用雪坡春色韻

纔出城門與便濃  
晴光野色兩俱融  
柳方染得三分綠  
桃已熏成一半紅  
山湧林巒荒寺隱  
湖分港汊小舟通  
相携各自論年事  
幾度春風上鬢蓬

天基瑞應宮

舊毓聖地

金碧耀瓊廬  
天開繞電區  
烏流周室瑞  
蛇斷漢家符  
石井騰曦馭  
瑤壇布斗樞  
願將皇極福  
敷錫徧康衢

道間見桃李花

東風到處競繁華  
不問窮櫺與大家  
垂柳絲中深院宇  
隔墻時有出來花

唐園

內人朝陵此園供午頓

幽居已似水中仙  
更有亭臺在屋邊  
擬作小圖難畫處  
一年兩駐內家船

泛月夜歸



南宋詩選 卷四  
短艇衝寒泛淺沙滿溪明月浸蘆花忽驚遠岫燈光發  
籬落蕭疎一兩家

龜溪市橋見月

樓臺疊翠遶清溪淺淡雲邊月一眉行到市聲相接處  
傍橋燈火未多時

小樓獨坐用菊潭壁間韻

簾捲疎風入小樓夕陽銜雁欲西流無人細說吟邊事  
獨有黃花共晚秋

閨思

簾底臨鸞惜歲華鬢雲慵掠寶釵斜落梅香斷無消息  
一樹春風屬杏花

小樓對月

京國誰曾念旅游閑情芳思兩悠悠却因今夜闌干月  
引得春風上小樓

晚望

芳艸迢迢客路長柳邊吹絮燕泥香桐花拆盡春歸去  
猶倚危欄問夕陽

再賦酬吳鞠潭

酌酒酬春醉晚紅誰知書劍兩無功漁竿冷浸半絲月  
牛背閑消一笛風仙夢不隨狂蝶亂家書只倩素魚通  
友聲更擬遷喬去底似人情較異同

東天目二首

三潭之下有九溪之隔三潭之上有百尺瀑  
泉之勝飛橋之險涉深攀緣止到第三池上  
兩池及飛橋則無計可觀所以限仙凡也又  
有東西二井石室朝陽二洞黃冠厭人遊覽  
不肯指引僅披荆莽題名朝陽洞中

不辭巖險訪龍潭潭底無窮碧似藍亂石鳴灘溪過九  
飛泉瀉瀑塹分三雖然道士能相引不比樵人得盡諳  
惆悵飛橋無路到乘風應許御雲驂  
不謂山行得此晴有名勝處必須經玉田艸滿春無極  
石室人稀夜不扃自料俗情應厭勸誰知幽意在空冥  
碧桃却似傳消息一曲瓊歌月滿庭

題至道宮雲巢軒

西天目

碧霄路底作生涯雲亦何曾定有家月印天池心宇淨  
水鳴環珮出松花

芍藥

天女霜刀剪亦難  
露紅烟紫碧闌干  
步搖衣袂飄霞珮  
鈿合釵梁間寶冠  
枝上任他無力笑  
燈前還作有情看  
采根若可蘇民病  
始信無經載牡丹

小瓊花

臨安縣齋山花一株  
四月盛開無識之者效  
樂天招賢寺花體以  
小瓊花賦之或謂婆羅

花

合是孤根在廣庭  
世間那得此雲英  
霓裳一曲天香散

惆悵瑤堦月自明

題鶴林丈室用俞紫薇韻

物我相忘付八還

坡詩

偶來瓊館扣霞關  
玉峰自有三生

約

玉蕊花事

塵世真同一夢間  
華表風清丹頂去  
緱山月冷

碧笙閑當知象外機  
無息肯羨黃金繫  
九環

夜涼聽雨

暑雨沉沉夜正清  
涼欺客枕夢頻醒  
雖然未是秋時候  
滴在梧桐亦厭聽

西河柳

南宋詩選 卷四 三  
一把輕絲拂地垂柔梢淺淺抹燕脂絮花吹盡枝方長  
却恨春風未得知

三過垂虹

秋來三度過垂虹灑氣橫江水接空帆影輕浮千幅月  
漁竿冷浸一絲風楓初落葉前邨近荷有餘香別浦通  
笑拍闌干天地濶鱸尊酒許誰同

滄浪

長史遺踪二百年直教名字到今傳渚香細浥蓮須雨  
野色輕團竹尾烟但得幽情關水石何須隱迹痾林泉

客中正有塵纓在來此清遊亦是緣

清夜

客身隨取止一室冷如冰景遠吟何託情踈夢不曾雨  
粘初蘚壁風謝欲花燈豈是無家者甘爲有髮僧

開爐次夕以不禁離抱來訪宏菴挑燈細語漏  
促忘歸卽事有賦時黃澹翁在焉

客裏情懷不自如夜深來訪子雲居挑燈細按新翻曲  
拂案同看舊架書梧葉敲風蛩砌冷菊香消雨鶴庭虛  
相逢且與開眉笑莫遣吟邊酒琖疎

寄陳藏一

萬人如海亦紛紜還着江湖有限身題葉恨深波影遠  
嚼花吟苦月痕新羨君朝市情俱薄笑我山林趣未真  
名勝搜羅能盡否細論何日許相親

借張憲韻述懷呈東畝先生

早起看秋意山前深未深水香飄遠渚晴色上平林風  
雨一雙鬢江湖萬里心何期來此地時作短長吟

禹廟

袞服嚴常祀平成萬世功圭璋藏道室弓劍莽幽宮石

定音釘今猶在梅梁事莫窮幽尋須作計多恨雨匆匆

徐集孫 十首

集孫字義夫建安人竹所吟稿中五言如風露浸  
衣冷江湖送眼豪七言如咏鷺點破青山成曉畫  
飛來紅蓼稱秋汀雙桂獨披月色連宵看更結秋  
風來歲盟皆標致可喜

智果寺觀東坡墨蹟參寥泉

煮茗評詩歲月深堂堂遺像篆烟沉數間老屋關興廢  
一段清名無古今碑斷亂雲封字脚井昏落葉覆泉心

南宋詩選 卷四 五  
斜陽影裏夷猶處仰止高風不敢吟

訪僧不遇

特地尋君選佛場行行踏遍古苔荒不因坐石貪搜句  
何事抽單輟赴堂空榻日移懸錫影別寮風過煮茶香  
忙中我爲閒來到君本閒人爲甚忙

重拜和靖先生墓

秋聲爾許悲懷古若爲思菊老泉堪薦山孤艸亦萎高  
風留塑鶴殘雨暗荒碑依舊梅千樹無花香似詩

湖西納涼

小艇撐過第一橋酌泉橋下擲詩瓢來遊道院分荷供  
擬拉吟僧遣鶴招暮靄直從漁笛起月華高處塔燈遙  
且於靜處偷清福人海驚塵湧似潮

中元

今朝逢令節依舊客殊鄉禪衲全分席清齋若過堂江  
茶浮水色野菜帶山香忽憶三秋菊誰鋤小逕荒

除夕

一歲驚心忽已除宦遊尙自客西湖漫題桃板標茆屋  
旋買梅花插瓦壺俸薄幸無賒酒債官閒却有索詩逋

明朝萬事從頭起依舊山肩竹樣癯

輓孫花翁

清氣散乾坤人亡名尚存玉寒埋葛嶺墨淡慘秦村井  
菊風號塚山花月返魂子孫無處覓嗟客酌芳尊

靈芝寺

梵宇背湖光朱橋度綠楊折藤維小艇拂石坐幽房齋  
版驚閒鷺苔碑卧夕陽都人喧鼓吹未識此徜徉

聽雪窓

靜擁寒爐逼硯冰凍蠅恠有撲窓聲拋松撒竹清眠思

吹滅陰燈坐到明

閑賦

梅花白向鬢根生歲月蹉跎事欠成讀過故書温有味  
借來新絮冷無情未霜山寺昏鍾勁欲霽湖亭夕照明  
多少紅塵留滯客可曾歸去力春畊

吳汝弼 六首

汝弼字伯成建昌人戴復古有送伯成歸建昌詩  
中有云無因暗投璧有味倒餐蔗冥搜琢肺肝苦  
吟忘晝夜工夫到深處非王亦非伯雲卧集一卷

南文詩選 卷四  
歲終呈一齋二首

磊砢千丈松清陰蔭林邱豈無棟梁用匠伯不見收匠  
伯恐未良棟梁終有求天風叶偃蓋五雲常爲浮  
學道非學世韜精養中和紆朱各自貴誰肯聆商歌  
皦大聖心昭然空自多著書後子雲千載應不磨

酬玉汝

磔壤畢春氣長羸換新綠爽氣吹涼光  
紉餌釣山淥魚鯀水香菰蒲削藍玉老景結清和心花委濠濮日暮  
雲倒飛苦雨濕茅屋竒哉五碎金青草眠黃犢天行貴

葆真心骨迥凡俗一尺黃菊花秋風播芳馥

游石仙分韻得觀字

閑攏兩袖秋步入冲寂觀古樹老雲中仙居毀巖半是  
時零雨高葉脫淒風亂恠禽走何忙澁水流不漫那知  
張郎仙譎幻敢懸斷雷書貯紅崖愚下浪傳贊符碑儻  
長靈鬼物豈歌喚尙云劍埋山安得急推斷冷翁亦張  
徒精氣不知散死坐豫樟空鑿竅競窺看何不葬山原  
不然棄江岍烏鳶與螻蟻豈食吾一貫獨流天地間萬  
古亘光燦神仙固渺茫此事良可惋忍哉偷兒狂更擣



泥腹爛我來擬少休亭壓不敢玩黃冠四三人拙野只  
欲竄延坐無好言令我住涼館飯餘且縱觀逸興薄霄  
漢琴鳴著高彈奕勝出奇筭歎咏壺隱樓撫事發長嘆  
大書同人名聊欲紀遊翫陰霾淪輕寒日色倏昏晏倩  
人買村醪煮芋疊肴按清坐二更深一睡各鼻鼾曉來  
登巖頭棘路解羈絆劃開天蓋寬遠景過飛翰幽藜摘  
新查窺險身發汗居然束歸裝重下西巖畔我思古之  
人豈只局窮閉觀海登泰山深高世間冠斯巖雖荒榛  
樂事實昭煥人心本然同今古未容判終當駕雲風高  
蹈無畔岍作詩示兒童茲遊吾豈但

竭來

領上竭來觀白雲翔鸞奮鶴浮天英斜開錦繡春樹滿  
溶溶半露遙山青忽然變現成蒼狗萬里長風霍無有  
海龍塞氣不敢吹日照虛空無老時  
領上竭來弄明月千里銀光寒不缺蝦蟇魍魎走死盡  
直數秋毫上金闕心如此月月如心嗒然獨據無絃琴  
騰騰轉空白日晝詩帶流星過南斗

武

衍

三十六首

衍字朝宗汴人適安藏拙餘藁藏拙乙稿張聖甫日平生最愛洪文敏所編唐絕句今闕朝宗詩何翅千里對似人也方萬里日適安絕句吟詠情致多有可筆于丹青者

秋夕過松陵

月冷江空夜氣濃桂香飛下廣庭風不知何處神仙過  
 霍唳數聲烟靄中

鶯

柳外飛來恰弄聲瞥然流去一梭輕分明啼斷春愁處  
 風不驚花午院晴

宮詞二首

梨花風動玉蘭香春色沉沉鎖建章唯有落紅官不禁  
 儘教飛舞出宮牆

牡丹春籞正穠華有旨今年不賞花剪落金槃三百朶  
 內批分賜近臣家

虛星壇月下聞笙

何人吹動玉笙攢天濶風高桂殿寒聲軋五雲飛不去  
 夜深和鶴落瑤壇

書画扇

南宋詩選 卷四 三  
雙成午夜約飛瓊齊駕紅鸞看月明縹緲碧雲歸去曉  
洞天霜冷玉簫清

開元廣寒詞

桂華珠殿水精樓柘袖籠香乙夜遊飛下銀橋人不覺  
月明三十六宮秋

客去

晉人冠子羽人衣客去移床傍小池扇影不搖蘄竹淨  
藕花風裏看唐詩

游吳門同樂園芥池光亭壁呈使君張都承

一城和氣萬花春金碧樓臺處處新太守不孤同樂意  
木蘭堂上看游人

聞角呈宗諭方蕙巖

曉角吹愁客夢寒一聲聲落曲屏間吳兒可殺無風味  
老却梅花祇當閒

秋夕清汎

弄月吹簫過石湖冷香搖蕩碧芙渠貪尋舊日鷗邊宿  
露濕船頭數軸書

春日湖上三首

南史詩選 卷四 三  
花外垂楊閱四朝東風依舊綠條條當年盛事人猶說  
二殿龍舟泊画橋

折桐花上雨初乾寒食遊人盡出關一片湖邊春富貴  
斷橋船簇夕陽間

飛鷁鳴鑼鼓吹喧繁華應勝渡江前吟梅處士今還在  
肯住孤山爾許年

長橋月夕

卷來滄海黃銀浪飛出層雲白玉團千古垂虹竒絕處  
獨凭三百赤闌干

雙鷺

誰驚雙鷺起蘋汀蹙裂玻璃細有聲飛入白雲渾不辨  
碧山橫處忽分明

老宮人

侍輦觀花上苑春太皇宣索鳳笙頻如今猶記當時曲  
對譜閒教小內人

湖亭席上贈商素

一曲春風已擅場淺顰低囀更傳觴令人憶殺香山老  
舊日玲瓏也姓商

阮客

粉靨嬌春掌上輕  
玉琴聲裏見深情  
花邊臨別重回首  
猶恐絲絃說未明

書吳江塔院水月

疊疊滄波隔亂山  
白鷗飛去復飛還  
吟邊好思無多子  
祇在孤舟落照間

立春

蓼滴辛槃色鬪鮮  
已將春到酒尊前  
金幡不用吳娃祝  
自唱新詞插髻邊

霜梧

棲鳳枝頭數葉輕  
井邊籬落正關情  
晚來縱有西風過  
一片秋聲作不成

湖邊

日日湖邊上小車  
要尋紅紫醉年華  
東風合與春料理  
忍把輕寒瘦杏花

新雁

塞月程程遠星河  
字字踈不眠沙外水  
恐濕足間書倦  
翻支風去悲聲落枕初  
秋清人易感政自不關渠

南宋詩選 卷四 三  
睡覺

睡覺東風忽惘然起翻雲母續爐烟半醒不醉宿醒思  
欲雨又晴寒食天春草池塘詩夢裡梨花庭院酒尊前  
誰憐倦客長安市節物驚心憶舊年

楓橋道中

路接官河柳行斜蹇驢衝暑憇田家雨餘天迥雲生葉  
日午風輕稻放花襖襖已縣黃犢睡桔槔不動綠陰遮  
老翁相見如相識命坐梨床自析瓜

松陵晚泊

漭漭風濤外天隨底處尋碧雲千嶂暝紅樹九秋深故  
國荒城夢空江倦客心行藏那復計蓬月闖孤斟

次韻答菊莊湯伯起

數弓蔬地一方池吾愛吾廬祇自知蘆碧補交楊柳缺  
檉紅攬上藕花遲翠陰圍合疑無日涼意蕭騷賸有詩  
君欲重來須更待嫩烟浮動晚晴時

小院

小院清聲動碧梧颯然涼思滿邁篠年來懶結青鐙伴  
却課兒曹讀夜書

夏日書事

緩將琴軫卷將書誰信閒中事有餘約客論茶和水試  
課童移菊帶泥鋤竹藁日午猶關雀水檻朝來自餒魚  
山薊已苗瓜已蔓適安生計未全疎

清明湖上

榆火初傳禁漏殘滿城和氣在湖山接天楊柳風烟裏  
照水桃花圖畫間舊路人穿新路去長橋船出斷橋還  
吾皇應喜民胥樂歲許西門入夜關

月觀遠眺

朝宗亭下浪冥冥何日尋觀瘞雀銘更欲裹茶邀客去  
短篷敲火淪中泠

歲在丁亥郊禋禮成皇帝登門肆赦獲睹盛典  
恭成口號

閭闔煌煌闢曉雲千官鵠立望嚴宸雀書飛下珠簷峻  
雉扇分開玉座新山壽聲中團喜氣鈞天奏處隔香塵  
明王盛事民何幸三載恩寬四海春

正元二日與菊莊湯伯起歸隱陳鴻甫泛舟湖  
上

權轉逋山艤落暉春風深鎖恨依依松間一雀俄飛起  
疑是先生出未歸

湖亭席上

寒食梨花月新晴楊柳風愁融山色裏興極酒杯中綠  
髮日夜變青春今古同忍教行樂處容易夕陽紅

南宋羣賢詩選卷四



